

**Tun M dakwa pesawat disabotaj**  
**SINAR HARIAN**  
**27 APRIL 2018**  
**JANATUL FIRDAUS YAACOB**

LANGKAWI - Pengerusi Pakatan Harapan, Tun Dr Mahathir Mohamad mendakwa pesawat yang dinaikinya menuju ke Langkawi dirosakkan pihak tertentu.

Dr Mahathir berkata, sebelum berlepas juruterbang memaklumkan bahawa pesawat tersebut mengalami kebocoran yang teruk dan tidak dapat dibaiki dalam tempoh yang singkat.

"Saya sepatutnya sampai awal di Langkawi, sebelum solat Jumaat tapi ada kapal terbang yang saya naik rosak, nasib baik juruterbang dapat kesan awal jika tidak mungkin saya meninggal dunia akibat nahas.

"Kemudian saya cuba minta pinjam pesawat kawan-kawan namun mereka tidak dapat meminjamkan kepada saya kerana telah dihalang pihak tertentu, tapi syukurlah ada seorang rakan yang sudi pinjamkan pesawatnya, dapatlah saya sampai ke Langkawi untuk majlis ini dan penamaan calon esok," katanya ketika berucap di Program Hi-Tea Wanita Pakatan Harapan bersama komuniti Cina dan India Langkawi.

**© 2018 All Rights Reserved • Karang kraf Group Media • © 2018 Hakcipta Terpelihara • Kumpulan Media Karang kraf**

Source: <http://www.sinarharian.com.my/nasional/tun-m-dakwa-pesawat-disabotaj-1.827301>